



Ansgar Solheim

Kontakt saksbehandlar

John Inge Johnsen, 51 56 89 09

Jærstrendene landskapsvernområde. Dispensasjon til å legge kanal i røyrleidning gjennom delar av sanddyneområde på gnr. 42/10 Hodne, Klepp kommune

Statsforvaltaren i Rogaland gir Ansgar Solheim dispensasjon på vilkår til å legge dreneringskanal i røyr gjennom sanddyneområdet på gnr. 42/10 Hodne, Klepp kommune

Dispensasjonen blir gitt på følgjande vilkår:

1. Dispensasjonen gjeld i høve verneforskrifta for Jærstrendene landskapsvernområde. Søkjar må sjølv avklare andre privatrettslege tilhøve med eventuelt andre grunneigarar.
2. Gravearbeidet/legging av røyrleidning, skal avgrensast til dagens kanalløp og arbeidet må gjennomførast på ein tid av året med lågt grunnvassnivå for å redusere skade i tilgrensande dynemark. Motorferdsel skal skje mest mogleg avgrensa og skånsamt, utan varige spor i kringliggande areal.
3. Vi ber om å bli varsla ved oppstart, slik at vi er orientert om når det vert køyrt i området.
4. Søkjar er ansvarleg for at gjennomføringa skjer i tråd med dette løyvet.

Bakgrunn for saka

Vi viser til søknad av 11.08.2021 kor Ansgar Solheim ynskjer å legge om lag 130 m av kanalen som går frå dyrka mark gjennom dynebeltet til stranda i røyr. Røyrtraseen er vist i kartvedlegg. Kanalen blei sist reinska i 2020/21 jf. vår dispensasjon av 13.03.20.

Heimelsgrunnlag

Jærstrendene landskapsvernområde blei verna på nytt etter naturvernlova ved kronprinsregentens resolusjon av 12.12.2003. Naturvernlova er seinare erstatta av lov om forvaltning av naturens mangfald av 19.06.2009 og prinsippa i naturmangfaldlova §§ 8-12 om berekraftig bruk, jf. § 7 skal elles leggstil grunn ved utøving av offentlig mynd. Statsforvaltaren i Rogaland er satt til å forvalte verneforskrifta, jamfør § 9.



Føremålet med vernet (§ 2) er å ta vare på det eigenarta natur og kulturlandskapet på Jærstrendene med sine særmerkte strandtypar og dei geologiske, botaniske, zoologiske og kulturhistoriske element som medverkar til å gje området eit særpreg.

Det aktuelle arealet er sanddynemark og ligg i Jærstrendene landskapsvernområde. Tiltaket blir i første rekke regulert av følgjande regler i verneforskrifta for området:

§ 3A-1: Alle inngrep og tiltak som vesentleg kan endre eller innverke på landskapet sin art eller karakter er forbode, herunder mellom anna uttak eller utfylling av masse. Opplistinga er ikkje fullstendig.

§ 3A -9: Motorferdsel på land er forbode.

Ut frå desse reglane krev tiltaket dispensasjon for å kunne gjennomførast.

I følgje § 5- 4 kan forvaltingsstyresmakta etter søknad og på vilkår gje løyve til motorferdsel i særskilde høve.

Vurdering

Statsforvaltaren er merksam på behovet for vedlikehald av eksisterande kanal som drenerer innanfor liggande jordbruksareal. Ved å legge delar av grøfta (om lag 130 m) i røyr vil ein redusere behovet for vedlikehald i form av køyring og graving og fare for erosjon i tilgrensande sanddynemark.

Prinsippa i naturmangfaldlova §§ 8-12 om berekraftig bruk, jamfør § 7 skal leggjast til grunn ved utøving av offentleg mynde.

§ 8 Kunnskapsgrunnlaget:

Det er utarbeidd forvaltingsplan for området og kunnskapsgrunnlaget er godt. Kanalen er kring 170 m lang og ligg i bakdynelandskapet på Hodne. Naturtypen her er særleg etablert sanddynemark som er ein sterkt truga naturtype. Området er elles veksestad for fleire nasjonalt sjeldsynte artar, samstundes som sanddynevegetasjon generelt er svært sårbar, med fare for køyreskader og etterfølgjande vinderosjon. Ved å legge delar av kanalen i røyr som omsøkt vil ein redusere naudsynt køyre- og graveaktivitet med påfølgjande erosjon-skadar, for å halde kanalen open.

§ 9 Føre-var-prinsippet:

Prinsippet skal nyttast i dei tilfelle der det kan vera tvil om konsekvensane for miljøet og verneverdiane. Omsøkte tiltak med å erstatte kanalen med ein røyrleidning, vil redusere faren for erosjonskader, då det i ettertid ikkje vil vera same behov for køyring og graving for å halde kanalen open. Statsforvaltaren meiner å ha god oversikt over følgjene av sjølve tiltaket.

§ 10 Økosystemtilnærming og samla belastning:

Tiltaket er av avgrensa karakter, og påverkar verneområdet i liten grad når gjennomføringa av tiltaket skjer i samsvar med vilkåra. Kanalen er brei og går gjennom eit opent bakdynelandskap. Røyrleidninga vert etablert i dagens kanal, slik at køyring og graving vert avgrensa til dette området.

§ 11. Kostnader ved miljøforringing skal berast av tiltakshavar:

Søkjjar er ansvarleg for at gjennomføringa skjer i tråd med denne dispensasjonen, og at gjennomføringa skjer på ein for naturen mest mogleg skånsam måte, slik at verken køyring eller graving setter nye varige spor.



§ 12. Miljøforsvarleg teknikk og driftsmetode:

Gravinga vil skje i sommarhalvåret på ein tid av året kor grunnvatnet står relativt lågt. Botnen av kanalen vert nytta som røyrleidningstrase, slik at det vert minst mogleg skade på tilgrensande sanddynemark.

Konklusjon

Statsforvaltaren i Rogaland gjer dispensasjon frå verneforskrifta for Jærstrendene landskapsvernområde §§ 2, 3A-1 og -9, jf. § 5-4 til å legge kanalen i røyr gjennom sanddyne beltet, herunder naudsynt motorisert ferdsel, på gnr. 42/10 Hodne, Klepp kommune

Dette vedtaket kan klagast til Miljødirektoratet. Ei eventuell klage skal stilast til Miljødirektoratet, men sendast om Statsforvaltaren for uttale. Klagefristen er 3 veker frå mottak av dette brevet.

Med helsing

Per Kristian Austbø
ass. fylkesmiljøvernsjef

John Inge Johnsen
naturvernkonsulent

Dokumentet er elektronisk godkjent

Kopi til:

Klepp kommune Postboks 25 4358 Kleppe